

## Yuldav

### *Gevq-a nail gaq*

Haoqgavq niil keiv iqmoeq ilmoeq bhai Yuldav aivq-i mail gevq-a nail ngaol dai, gevq-ai thaq nail ngaol. Al ovqtavq, milnee uqnee khe Khali yaq juq jemao iqsanl, Yuldav-i mail gevq-a nail ngaol dai, noeq nail ngaol. Yuldav niil gaq neq, Yeiqsul nail jaqbheq ngaol. Thailhai ngaol-aoq, Yeiqsul nail jaqbheq dai maq ge mail, aivq nail algao Yaqkov khe-ai, yovqgavq bhai yovqgavq “Yeiqsul Khali nail yaqkav” ngaol dai, gevq-ai thaq nail ngaol. Yaqkov khi mail Yuldav neq, Yeiqsul nail jaqbheq ngaol. Alheel ngel-i mail, “Ngal neq, Yeiqsul Khali nail yaqkav khi mail Yaqkov nail mailnail Yuldav ngaol” dai, gevq-ai thaq nail ngaol.

### *Gevq-a nail aqyanq*

Gevq-a nail aqyanq neq, A.D. 65-68 kovq nail gaiqlaq bhai ngaol. Yuldav haoqgavq khi mail 2 Bheiqtuvluv nail haoqgavq niil nvq keiv maodai dul lai nail ngel-i mail, teevq pav ganav juq neq, haoqgavq niil nvq keiv yanq mao-ail maq khaiq-ail nail dai, gevq thaq nail niil dai, noeq nail ngaol.

### *Khaq sil gaq bhai gevq bhiq-a nail*

Haoqgavq niil keiv neq, khaq sil gaq bhai gevq bhiq-a nail dai, aqmil maq gevq bhoel-ai thaq khi ngaol-aoq, Miqyail-i mail khul-ai thaq nail

tσαολ-αϑ ϑυϑ βηαι ηαοϑϑαυϑ ηηη ηειυ γευϑ βηοελ-αι λειυϑ-α ηαι ηγαοη δαι, γευϑ-αι θαϑ ηαι ηγαοη. Αηελ ηελ-η ηαι, ηαη ηελ ηαι βηαι ηαοη ηαι ηαη ηαϑ ϑυϑ βηαι γευϑ βηηϑ θαϑ ηαι ηαοϑϑαυϑ ηηη δαι, ηοελ ηαι ηγαοη.

*Khul bhai noeqthunq khi gevq-a nail*

Ηαοϑϑαυϑ ηηη ηειυ ηελ, ηελμα θαϑτσαοη ηαι ηαϑ ηαι ηαϑβηοηη λαιηαι δειδελ γαοϑ δαι, ηαϑ βηυϑ-α ηαι ηελ ηελ ουϑταυϑ, Ηηυηαι βηαι ηαϑ ευ ηαι ηαοη-αϑ αϑδοηη ηελυϑ ϑυϑ αοη ηηοηϑ λαι θαιηθαηϑ ηαι βηαι γαοηηαοη γαοϑ δαι, γευϑ βηηϑ-α ηγαοη. Αη ουϑταυϑ, Ηηυηαι βηαι ηαϑ ευ ηαι ηαοη-αϑ αη ϑυϑ ηελ, Ηαηηη αϑηηη ηαι λαυϑηηοελ ηηελ αοη ηαι, ηαοϑηαο ηαοαϑ βηαι ηελ δαι, αϑηελ-αι ηαϑ ηη ηαι-α ηαι ηαοη-αϑ αη ϑυϑ ηηελ-αι, δυη ηαι ηγαοη δαι, βηη ηελ ηαι ηαι ηαϑβηοηη ηηηηηη, γευϑ-α ηαι ηγαοη.

*Iqmoeq ilmoeq khe daoq*

<sup>1</sup> Ηηη ηελ, γεληηηηηη ηαι ηαι ηαϑηαυ ηηη ηαι ηαι ηαϑβηηη ηαοη ηγαοη. Ηηυηαι-η ηαι ηηη-αι θαϑ ηαι ηηηϑυϑ βηαι ηαοϑϑαυϑ ηηη γευϑ βηοελ-αι λειυϑ-α ηαι ηγαοη. Αϑβηη Ηηυηαι ηηηϑυϑ βηαι ηαι-α ηηη, γεληηηηηη ηαι ηηηϑυϑ βηαι ηηηδαιϑ ηαηη ηαι ηγαοη.

<sup>2</sup> Γαοϑηαϑ ηαι-α ηαι ηαϑ, ηεληηη-ουϑ ηαι ηαϑ ηηη ηαι, ηοηη ηαι ηαι-α ηαι ηαϑ ηηηϑυϑ ηαι λαυϑηηοελ ηελυϑ ηου ηελ ηελυϑ ηου ηαοη λαι δελ-ελϑ.

*Maldil saqlaq maq ngel nail juq nail ganl*

<sup>3</sup> Ηηη ηαιηηα-αι ηαι-α ηαι αϑτσαοϑ ϑυϑ-οη, Ηηυηαι ηηηδαιο ϑυϑ βηαι ηελυϑηουϑ λαυϑ-α ηαι

ganl ngal nuljuq bhai gevq bhoel-ai leevq movq deedee-ail nial. Thailhai ngaol-aoq, Miqyail-i mail teevq pov taivq-ail aivq nail tsaol-aq juq bhai av bhiq-ai thaq nail neema thaqtsaol nail pha q nail haqbhoil laijai deedee yaoq dai, ngal nuljuq bhai gaq bivq nail lavqkhoel haoqgavq nil gevq bhoel-ai leevq-a nail ngaol. <sup>4</sup> Khul khi mail dai ngal-aq neq, tsaol-aq teevq pav ganav juq nuljuq nail lavqkhoel bhai aol khoiq lal-a nail ngaol. Miqyail bhai maq ev nail tsaol-aq al juq neq, haqev nail pha q khi mail, aqjiivq aqcavq pha q ya nl dai, Miqyail nail geeqlaoq eeljaol bhai lav phal-a nail ngaol. Yeiqsul Khali taivq-ail ngadao bhai uvthaiq nail gaq khi mail, ngadao nail Heeqphaq pevq nail bhai, aqyu juq khaonq ha-a nail ngaol. Aqyu juq neq, yalkhaq dal nail bhai ya daq naol dai, aq-u nee mail Jalli q lavqkhoel bhai gevq-ai tha q nail ngaol.

<sup>5</sup> Ilsaqlaiqlal tsaol-aq juq bhai Iljiltuv milkhaoq lavqkhoel nee Heeqphaq Miqyail khalhai hevqkovq bhiq khi, haoqnao aqyu juq nail lavqkhoel khe neema maq tha qtsaol nail tsaol-aq juq bhai lav luq lav seil bhiq-a nail bhai ya daq-a nail ganl al nuljuq heeq nia nail ngaol. Thailhai ngaol-aoq, ngal nuljuq bhai teevq pov gaoq ge noeq movq nail ngaol. <sup>6</sup> Al ovqtavq, yovqgavq nail alyaq bhai khaonq ha khi yovqgavq nail jaol duq nee mail tsaol-aq nail nqtavq gaqkhoel bhai, nqmaq maqluv halyeel ivq nail hailcav-i mail pheethaiq khi, navtsee deel jaol duq bhai laol thaiq-ai tha q nail ngaol. Yalkhaq dal nail aqn n ma kev lal-u kev dai, aivq aqyu juq bhai alhai laol thaiq-ai tha q nail ngaol. <sup>7</sup> Alhai dul

dai, Saoldoq meenq, Gaolmaollav meenq khi mail, aqjail bhai jiav nail meenq juq iqsanl, ngadao juq nail haqbhoil saol oil duq pevq nail ngaol. Meenq al juq nail lavqkhoel bhai jaol nail tsaol-aq juq neq, khaqmiq sev deedee khi, aqsivq haqjoil phao khe maq nl khaq nail mee nia pha q nl-a nail ngel-i mail, nqmaq maqluv halyeel tovq thailthaiq nail miqjaq nail lavqkhoel, khoeq nail jiovq nail bhai ya daq nail ngaol.

<sup>8</sup> Maldil maq ngel nail saqlaq juq iqsanl alhai dul dai, nvmav mav moel-a nail pha q bhai juq juq-ail, yovqgavq nail aqmaol bhai yovqgavq oeqbal nl-a nail ngaol. Agyu juq neq, Miqyail uvthaiq nail bhaqaoq bhai khal nl movq-ail nl khi, nqtavq kovtavq bhai jaol nail seiqlaiq khaqsail eeq nail juq bhai khal ge movq-ail ge-a nail ngaol. <sup>9</sup> Nqtavq gaqkhoel juq nail lavqkhoel yu nee maqtsil eeq jaiq nail nqtavq gaqkhoel Milkheiqal neq, sil tha q nail Molsei q nail aqmaol nail ganl nee tavq lai khi, neivq heeqphaq nee jil pheeljaq-u phao, aivq bhai khal ge movq-ail ge ge-ail yalkhaq maq dal tseq-ail. "Heeqphaq Miqyail naoq bhai kha q dei-eiq" dai, neivq heeqphaq bhai ge bhiq-a nail ngaol.

<sup>10</sup> Thailhai ngaol-a oq, tsaol-aq niil juq neq, agyu juq maq heeq nia nail pha q nail ganl bhai khal ge movq-ail ge nail ngaol. Agyu juq neq, khul teevq pha q iqsanl maq saol-nvq nia nail haqtsoiq jaiqyaq khe-ai, yovqgavq-i mail heeq nia nail pha q nail haoqnao taivq-ail tsaothe nail ngel-i mail, luq-ail seil-ail nail ngaol.

<sup>11</sup> Agyu juq neq, geeqlaoq aqdoil ya nail

ngaol. Khul khi mail dai ngal-aq, aqyu juq Gaqilnav nail haoqnao tsaothe nail ngaol. Al ovqtavq, aqyu juq phul heel bhai neekhaol jiaiv nail lavqkhoel, Bhaqlaq nl bheeq-a nail haoqnao tsaothe tsaothe-ail nl-a nail ngaol. Gaollav Miqyail bhai phee-q-a nail khe-ai, aqyu juq iqsanl phee-q-a nail ngel-i mail, ya luq ya seil-ail nail ngaol.

<sup>12</sup> Nuljuq goil nail gaiq-a nail bhaoqaiq lav sav khi, jaq thailthaiq-u phao, Khali yaq juq nail seiqlaiq khaoqsail bhai lav jiiivq lav cavq nail pha-q pevq nail ngaol. Aqyu juq jaq tavq daol tavq-u phao, yu bhai maq haqsil nail nee ovqtavq, yu bhai maq ev dai, yovqgavq nail yaol yaq bhai maq heldaiq mail, yovqgavq nail haqbhoil taivq-ail saol-nvq nail ngaol. Aqyu juq neq, lilmoel-i mail, bhoel-aivq thailthaiq nail maq-aol maq aol nail nqdil khe-ai dul nail ngaol. Aqheeq heeq nail yanq bhai aqheeq maq heeq lee nail ngel-i mail, daoqthaoq nee mail bhi ngaoq bov khi nvq pov sil-a nail aqheeq aqbhaol khe-ai iqsanl, dul nail ngaol. <sup>13</sup> Aqyu juq neq, iqyaq iqma lavqkhoel eelkhaol thaoq deedee-u phao, bheelmevq dov lal nail khe-ai, aqyu juq yovqgavq-i mail haqsil nail pha-q bhai, yovqgavq bhi dov lal-a nail ngaol. Aqyu juq neq, yovqgavq nail gailkhaol bhai yovqgavq maq tsaiq nail aqgil khe-ai, dul nail ngaol. Aqyu juq nail haqbhoil navtsee deel jaol duq bhai nqmaq maqluv halyeel lav sav-ai tha-q nail ngaol.

<sup>14</sup> Aqdaq nee mail aqceevq ge khal leevq-u phao, sivq yeel teevq yeel nail lavqkhoel bhai jaol-a nail Eilnaov iqsanl aqyu juq nail ganl niail-

hai gedan-ai thaq nail jiav nail ngaol: “Heldaiq dei-eiq, Heeqphaq Miqyail neq, aivq nail meeq nail haol nail tsaol-aq aqmeel-nvq aqsainv gaq nee mail yavq kha lee nail ngaol. <sup>15</sup> Tsaol-aq iqsanl bhai yalkhaq dal lee nail dai khi, aivq lee nail ngaol. Aqyu juq Miqyail bhai maq ev dai nl-ai hal-ai thaq nail ngel-i mail maqkhaiq, Miqyail bhai maq ev nail oeqbal yaq juq-i mail aivq bhai khal ge movq-ail ge doil-a nail ngel-i mail maqkhaiq, aqyu juq khoeq nail jiovq nail bhai ya daq nail ngaol” dai, gedan-ai thaq nail ngaol. <sup>16</sup> Tsaol-aq al juq neq, khaq mao iqsanl meel nul khi, yu bhai oeqbal thaq nail ngaol. Yovqgavq nail aqsivq haqjoil nail neekhaol sil nail haoqnao tsao the nail ngaol. Yovqgavq nail ganl bhai khaoqsail he khi, yovqgavq phao meeq lal dai, yu bhai ge meeq nia nail ngaol.

*Bhi yaolphaol nail daoq khi mail gaq bivq nail daoq*

<sup>17</sup> Thailhai ngaol-aog, ngal mailma-ail gaiq-a nail aqtsaoq juq-ol, jel lal-u phao, ngadao nail Heeqphaq Yeiqsul Khali nail gaqkhoel juq-i mail ge thaq-ail ceevq-a nail daoq bhai nuljuq thaq nioil peivq dei-eiq. <sup>18</sup> Aqyu juq ge nail: “Haoqnao naosaq nail yang lavqkhoel Miqyail bhai maq ev dai, aqsivq haqjoil nail neekhaol sil dai, nl nail nee ovqtavq, uqhuq thaoq nail aol bhai khal meelnaq movq-ail meelnaq nail tsaol-aq juq dov lal nail ngaol” dai, nuljuq bhai ge bhiq-ai thaq nail ngaol. <sup>19</sup> Tsaol-aq al juq neq, nuljuq nail munl bhai lav pav nail tsaol-aq ngaol. Aqyu juq nail lavqkhoel bhai Aqhaqlal Miqyail

maq jaol nail ngel-i mail, aqsivq haqjoil phao taivq-ail tavq lai nail phaql nl nail ngaol.

<sup>20</sup> Ngal mailma-ail gaiq-a nail aqtsaoq juq-ol, nuljuq meeql dee haol deede nail neema thaqtsaol nail phaql nail lavqkhoel eeql lal heel lal khi, Meeqnail Haolnail Aqhaqlal nail lavqkhoel geeqlaoq hal hal-ail jaol yaoq. <sup>21</sup> Miqyail nail goil nail gaiq-a nail phaql nail lavqkhoel bhail jaol ivq yaoq. Nqmaq maqluv halyeel doevq nail phaql ya dai, ngadao nail Heeqphaql Yeiqsul Khail nail gaoqhaql gaiq-a nail phaql bhail daonq daonq-ail jaol yaoq.

<sup>22</sup> Neema thaqtsaol nail phaql bhail maql ivq nail tsaol-aql juq bhail, gaoqhaql bhilq yaoq. <sup>23</sup> Tsaol-aql teevq pav ganav juq ya jel-ail dai, miqjaql lavqkhoel nee he dov bhilq yaoq. Al ovqtavq, tsaol-aql teevq pav ganav juq bhail, geesil nail neema aol khi, gaoqhaql bhilq yaoq. Thailhail ngaol-aql, aqsivq haqjoil nail neekhaol nl nail aqjiivq aqcavq phaql leivq nail aqyu juq nail aqgaql aqdoi bhail bhe yaoq.

### *Geeqlaoql bivq nail daoql*

<sup>24</sup> Nuljuql maql ya laiq-ail dai, Miqyail nuljuql bhail heldaiql phail nial nail ngaol. Nuljuql oeqlbal thaql duql maql jialv dai, aivq nail seiqlleiq khaosail teevq bhee jialv nail jaol duql bhail, lavqkhiql teevq tsail ya jaol laiq dai iqsanl, aivq lav sav nial nail ngaol. <sup>25</sup> Ngadao bhail hevqkovq lavq-a nail teevq gaql teevq-eel pevq nail Miqyail, ngadao nail Heeqphaql Yeiqsul Khail bhaqlda nee, seiqlleiq khaosail maqlkhaiql, eeql nail heel nail phaql maqlkhaiql, bhaqlaoql maqlkhaiql,

uvthaiq nail phaḡ maḡkhaiq, iqmoeq ilmoeq-  
u nee maḡkhaiq, niil aḡ-il maḡkhaiq, nḡmaq  
maḡluv halyeel maḡkhaiq, aivq nail kovtavq  
bhai jiav dei-eiq. Aḡmiq.



**Jalliq aqsivq Gaolkheel daoq**  
**Akeu: Jalliq aqsivq Gaolkheel daoq New Testament**  
copyright © 2015 Wycliffe Bible Translators, Inc.

Language: Gaolkheel (Akeu)

Contributor: Wycliffe Bible Translators, Inc.

All rights reserved.

2020-11-13

---

PDF generated using Haiola and XeLaTeX on 21 Feb 2024 from source  
files dated 29 Jan 2022  
aaaba9fd-8172-55cc-ad15-906f43ddb5a5